

جریدہ علمیہ

مشتخت جلیلہ اسلامیکہ جریدہ رسمیہ سیدر

رجب سنہ ۱۳۴۰

عدد ۷۳

شمذیلک آیدہ بر نشر اولتور

بدیخی سنہ

اخلاق سنیة رسالتدن برنبذه

نبی اکرم افندمن حضرتلری خلقک اوفاق تفک قصورلرینه قارشی دائماً اغماض عین بویوردقلری کبی حسبالبشریه بعضی کیمسهلردن صادر وسمع جلیل نبویلرینه واصل اولان حالات غیر مرضیهدن دولاییده کیمسهی روبرو تقبیح ومؤاخذه بویورمیوب اصحاب کرام ایله محبت سنیة رسالتپناهیلری ائناسنده اوکی حالاتی برشخص غیرمعینه عطفاً تقبیح، بواسلوب حکیمانه ایله اخلاق ناسی تصحیح بویوریرلر ایدی .

رسول اکرم افندمن حضرتلرینک افعالسنیهلرندن برنده بزم عقل قاصر مزجه بشریتک ایجابات مبرمهسندن کبی کورینن حالاتک بری یوقدر . افعال سنیة رسالتک کافهسی جناب حقک ذات پاک احمدیه خاص اولان فیض اتم واکملنک الک جلی برهسانیدر . فخر عالم افندمن هیچ بر حادثه ذات اقدس نبویلرینه تعلق ایدن جهتی داخل حساب بویورما . مشلردر . چونکه اخص مقاصد سنیهلری ایفای وظیفه رسالتله ناسی طریق فوز وفلاحه دعوتدن باشقه بر شی دکل ایدی .

اوفاق تفک خطالر شویله دورسون، غایه علیای رسالتک تحققدن صوکر اوکی خطالرك جنایت درجهسنه واصل اولانلرینی بیله عفو بویوردیلر ، اسلام ایله مشرف اولمدن اول بعضی کیمسهلردن صدور ایدن جنایاتی، دائرة ایمان واسلامه دخوللرندن صوکر اقاله بیله آلمدیلر . بوخصالت علویهک منشاء حقیقیسی سطحی برنظرله کوریه من . اونی کوره بیلیمک ایچون حادثات جاریهک درجه اهمیتنی تقدیر ایده بیله جک قوتلی بر محاکمهیه ، نافذ بر نظره احتیاج واردر .

قصیده برده ناظمی کعب بن زهیرک اسلام ایله مشرف اولمدن اول نظم ایلدیکی اشعار معلومه دن دولای دمی هدر ایدیله رک نرده کوریلیرسه قتلی فرمان بویورلمش ایکن ، اسلام ایله تشرفنی متعاقب مدح عالی نبوی بی متضمن، قصیده برده عنوانیله مشهور اولان منظومه غرای حضور اقدس رسالتده انشادایتدیکی ائشاده ابن زهیرک هم قصوری عفوهم ده جان وجهان دکر بر التفات عالی پیغمبریه کعب مفتخرتی اصحاب کرام آراسنده غایت عالی بر مرتبه اعلا بویورلمش ایدی . هجو ومذمت شویله دورسون وجوه ایله تأویلی ممکن اولان الک اهمیتسر بر سوزدن دولای جبارة ملوک طرفندن نیجه ارباب کمالک ، نیجه شعراک دملری هدر ایلدیکی تاریخ ایله ثابتدر . بر کره نبی اکرم افندمن صدر وعلو جنابک

صوك حدینه واصل اولان شو معامله جمیله پیغمیری ، بر کرده غیظ و انتقام کی ایکی رذیله اخلاقیه دن متحصل معامله جابره یی کوروب آراده کی فرقی تعیین ایتلی . غزوه احدده عم نبی حضرت حمزه رضاه عنه افندمنی شهید ایدن وحشی نكده شرف اسلام ایله مشرف اولدقدن صوکر صفع جمیل نبوی به مظهرتی افعال سنیه رسا . لپناهینک ایجابات بشریه دن اولان شوائب نقصدن کلیاً منز و مبرا بولندیغنه دلالت ایلیه جک معجزات اخلاقیه دندر . نبی اکرم افندمن کی حضرت حمزه ده ابولهک جازیه سی ثویه نك سودنی امیدکی جهته فخر عالم افندمنك سود قرداشی ایدی . وحشی بن حرب جیر بن مطعم کوله سی اولوب حربه اندازلده ماهر ایدی . حضرت حمزه رضاه عنه بدر غزاسنده جیرك عموجه سی طیمه یی قتل ایلیکندن وحشینک افندیسی جیر کوله سنه : حمزه یی شهید ایدوب عممک انتقامی آیرسه ک سنی آزاد ایدرم دیمش ، بو عبد وحشی ده هم افندیسی نمون ایتک ، همده اسارتدن فورتولوق ایچون عم رسولی شهید ایلشدو . وحشی شرف اسلام ایله مشرف اولدقدن صوکر ایمامده دعوای نبوته قیام ایدن مسلمیه الکندانی ده قتل ایتشدو .

خیبر یهودیه لرندن زینب بنت الحارث خیبر غزوه سی ائسانده رسول اکرم افندمن حضرتلری تسمیم مقصدیله براوغلاق پیشروب ایچنه زهر قاتمیش ایدی . صاحب سعادت افندمن برفمه تناول بویوردقدن صوکر اکفید ایتشدر ، اتک سم آود اولدیغی طعامده حاضر بولنالره خبر ویره شلردر ؛ اصحاب کرآمدن بشر بن براء بوزهرلی اتک تأثیریه رتبه شهادتی احراز ایتدیکندن بر روایت کوره زینب ، بشرک وارثلینه تسایم واونلر طرفدن قصاصاً اعدام ایلشدو . دیگر روایت کوره شرف اسلام ایله مشرف اولوب عفو عالی پیغمبری به مظهر اولشدو .

انظار عبرت و انصافک کرک بو حادته ، کرک بو کاکزه دن دیگر حادثات قارشوسنده مبهوت اولماسی ممکن دکلدو . ایکنجی روایت صحیح اولدیغی تقدیرده بر کره ارتکاب ایدیلان جنایتک اهمیتنه بر کرده مرتکبه سی حقنده سزاوار بویوریلان معامله جمیله نك عظمته یاقه لی ده پیغمبرمنك عظم شانی ، امت مسعوده لری حقنده کی شفقت بی پائانی آکلامه لی .

رسول اکرمک لطف و کرمی یالکز مؤمنینه دکل حتی منافقینه بیله شامل ایدی . اونلرازی وجفا ایتدکجه فخر عالم افندمن کندیلمینه رحمت و خیر دعا بویوریرلر ایدی . استغفرلهم اولو تستغفرلهم (سن منافقلر ایچون ایستر استغفار ایت ایستر ایتمه) آیت

کریمه سی نازل اولدینی زمان فخر عالم افندمن ربم بنی مخیر قیلور؛ بن آنلر ایچون؛-تغفار ایدرم بویوردیلر. «ان تستغفرلهم سبعین مرة فلن يغفر الله لهم» (اونلر ایچون یتیش کره استغفار ایتسهک الله تعالی حضرتلری یینه مغفرت ایتمز) کریمه فرقانیه سنک شرف نزولی اوزرینه رسول اکرم افندمن بن اونلر ایچون یتمشدن زیاده استغفار ایدرم بویوردیلر. حتی منافقنلرک رئیس عبدالله بن ابی ک وفاتنده اصحاب کرامدن اولان مخدومی فخر عالم افندمنه کلوب پدرینه کهن یاغی ایچون رسول اکرمک کوملکلرینی ایسته دی بنی محترم ده کندیسنک مسئولی اسعاف بویوردیلر. حضرت پیغمبر عبدالله بن ابیک نمازینی قیلماق ایچون کیدرکن حضرت عمر یا رسول الله منفقنلر رئیسینک نمازینی ده می قیله جقسک؟ دییه فخر عالم افندمنک لباس سعادتلینی طوتمش ایدی. صاحب سعادت افندمن یا عمر بنی براق بویوردیلر و کیدوب عبداللهک نمازینی قیلدیلر. نزد عالی نبویلرنده نفاق ثابت اولان برکیمه سیه قارشى بوقدر رحیم وشفیق اولان پیغمبر دیشانمزک خالص القلب مؤمنلر حقنده فصل اولملری لازم کله جکینی تقدیر ایتک کوچ برشی اولسه کرکدر. علیه الصلاة والسلام افندمن حضرتلرندن تائیس قلوبی مستلزم بعض لطائف صدوریه ده منقولدر. بنی اکرم هم لطیفه ایدر هم ده ذات سعادتلینه قارشى ایدیلن لطافتدن ده محظوظ اولورلر ایدی.

شوخی مشرب برکیمه وار ایدی اره صره بنی اکرم افندمنه یاغ بال وسائره کبی شیر هدیه ایدر ایدی. هدیه لری آلدیغی تاجر کندیسندن بدلای ایسته دیکی زمان آلوب حضور سعادت کتیرر: یا رسول الله کتیردیکم هدیه لری بو آدمدن آلمش ایدم پاره سنی ویریکز دیر، صاحب سعادت افندمنده: سن اونى بکا هدیه اوله رف کتورمش ایدک پاره سنی ده سن ویر بویوریرلر ایدی. صاحب هدیه استطاعت مالیه سنک غیر مساعد اولدیغی مقام اعتذاردده درمیان ایدنجه بنی محترم هم کولر، هم ده کتیریلن هدیه لرک تأدییه بدلای فرمان بویوریرلر ایدی.

صاف دل برآدم برکون حضور سعادت کلوب یا رسول الله بکا بردوه ویریکز دیدی علیه الصلاة والسلام افندمن: سنی ناقة اوغلنه بیدیره میمی بویوردیلر. آدجکز مقصد رسالته انتقال ایدمه دیکندن کندیسنه بردوه یاوریسی ویرله جکی فکرینه ذاهب اولوب اونم ایشمه یارماز دیدی. بوسوز اوزرینه رسول اکرم افندمنده: یکی، بویوک دوه ناقة یاوروسی دکیدر؟ بویوروب مسئولی اسعاف ایلدیلر.

بومناسبتله فخر عالم افدمزك سخای عالمی آئارندن براییکسی ده بیان ایدم: رسول اکرم ناسك الكسخی ایدی. ذات والای نبویلرندن صادر اولان آثار سخا فردا فریده دن. صادر اولماش در. اولسی ده ممکن دکادر. کندیلرندن برشی طب ایدنه جواب رد ایله مقابله بویوردقلری واقع اولماشدر. اگر مراجعت ایدن کیمسه نك مسئولی ممکن الاسعاف. دکله ینه یوق دیموب سکوت بویورلر ایدی. یعنی خلق جایل محمدی برسانله قارشو «اولماز» دیمکه مساعد دکل ایدی. برکون حضور سعادته طقسان بیک آچه کتیروب حصیرك اوزرینه دوکدیلر. فخر عالم افدمز بو پارده ایضاب کرامه توزیع بویوردیلر. پاره بیتدکدن صوکره بریسی کلوب مراجعت ایتدی. رسول اکرم: ویره جک شی قلمادی نده احتیاجک وار ایسه کیت آل؛ بریردن پاره کلیرسه بدلی بز تأدیه ایدرز دیدیلر. رسول اکرمک بواراده سی اوزرینه حضرت عمر: یارسول الله جناب حق سکا قادر اولمديغك شیء تکلیف ایتدی دیدی. بوسوز فخر عالم افدمزی بی حضور ایتدی. مجلس سعادته حاضر بولنانلردن بری یارسول الله سن انفاق ایله، حق تعالی حضرتلرینک سکا آز ویرمی. احتمالندن فورقه دیدی. فخر عالم افدمز بوسوزدن محظوظ اولوب تبسم بویوردیلر و (بن بونکله امر اولتمد) دیدیلر.

ینه برکون حضور سعادته بحرین مالنی کتیرمشلر ایدی. رسول اکرم افدمز مسجده دوکیکیز دییه فرمان بویوردیلر. فخر عالم افدمز ادای صلاة ایچون مسجده کلدیلر. پاره لرك اولدیغی طرفه اصلا باقمدیلر. نماز بیتدکدن صوکره پارهلرک یانه اوتوروب مجلسدم حاضر اولانلرک جهله سنه احسان ایتمکه باشلادیلر.

بوئشاده حضرت عباس رضی الله عنه ده حضور سعادته کلوب کندیسینک احسانه احق اولدیغنه دائر بعض سوزلر سویله دکن صوکره: یا رسول الله بکاده احسان ایله دیدی. علیه الصلاة والسلام افدمز: آل یا عباس بویوردیلر. حضرت عباس قفتانی پاره ایله دولدیردی؛ فقط یرندن قالدیره مدینی ایچون یارسول الله امر بویوریکزده شونی قالدیر وب آرقه مه یوکتسونلر دیدی. فخر عالم افدمز عباسک بوطلبی اسعاف بویورمدیلر. حضرت عباس تکرار یارسول الله اويله ایسه سن قالدیر دیدی. نبی اکرم افدمز بوکاده موافقت بویورمدیلر. پاره نك برمقدارینی چیقاروب یوکی خفیفتتمک ایسته دیسه ینه قفتانی یرندن قالدیره مدی تکرار فخر عالمدن استعانه ایتدی. ینه موافقت بویورلمدی. خلاصه اوچ دفعه تکرر ایدن بو حالدن صوکره قالدیره بیله جکی قدرینی یوکنوب کیتمکه باشلاینجه، رسول

ا کرم افندمن حضرت عباسك وحرصندن دولايي تعجب بويوروب كيدر كن آرقه سندن
نظر حيرتله باقديلر .

وقعه آتیه ده سخای پیغمبرينك درجه خارق العاده سنی کوسترن وقایع جمله سندنندرن .
رسول اکرم افندمن برکون جابر رضی الله عنك دوه سینه ینوب بریره کیتمکده ایکن
بولده حضرت جابره : یا جابر بودوه یی بکا صات بویوردیلر . جابر حضرتلری یارسول الله
دوه سنکدر دیوب فخر عالم افندمنه هبه ایستدیکنی اشراپ ایلدی . رسول اکرم دوه نك
بدلنی ویر دبه حضرت بلاله امر ایتنی بلال ده امر رسالتی ایفایه شتایان اولدی . رسول اکرم
جبارك معامله جوامردانه سندن محظوظ اولوب : دوه یی ده بدلنی ده آل کیت ، الله ایکیسنی ده
سکا مبارک ایتسون . دعا سیه حضرت جابری مسرور ومطیب بویوردیلر . بی اکرم افندمن دن
داها نیجه نیجه اثار سخا صادر اولمشدرکه جمله سنك تحریرینه امکان یوقدر . لطائف
پیغمبری صیره سنده بالمناصبه نقل ایدیلن شو بر ایکی منقبه جود وسخا امثاله نظراً دکزدن
برقطره ، کونشدن بر ذره دینه جك مرتبه ده در .

شو بر ایکی فقره یی یازدقدن صوکره جمله لطائف پیغمبریدن بولنان آتیه کی
فقره لری ده تبرکاً تحریر ایدم . فخر عالم افندمنك صفیه اسمنده برخاله لری وار ایدی رسول
اکرم افندمن برکون اثنای مصاحب علیه لرنده : اختیار قادینلر جتنه کیرمن بویوردیلر .
حضرت صفیه بی محترمك بوسوزندن متأثر اولدی . فخر عالم افندمن خاله لریك تأثرنی
کورونجه « اختیار اوله رق کیرمنلر ، کنجه لیرده او یله کیررلر » بویورمقله خاله لری هم بر
حقیقت اخرویدن خبردار ، هم ده عودت شباب کبی بالخاصه قادینلرجه درجه نه ایه ده
ملتزم اولان بر تبشیر ایله مستغرق مسار بویوردیلر .

رسول اکرم افندمن لطائف سنی پیغمبرلیه بویوکارك خاطرلری تطیب بویوردقلری
کبی صیرسی کلدکجه چوجقلرک کوکلرینی المق جهتی ده اهامل بویورمازلر ایدی . انس
ابن مالک حضرتلریك ابو عمیر اسمنده برکوچك قرن دشی وار ایدی . چوجق برکون
وجهنده علام حزن نمایان اولدینی خالد حضور نبوی به کادی . فخر عالم افندمن چوجنی
محزون کورونجه حضرت انس : بوکانه اولدی بویوردیلر . حضرت انس ده بر « نغیر » ی[*]
وار ایدی اولدی اونك ایچون محزوندر دیدی . رسول اکرم افندمنده چوجغه خطاباً :
یا ابا عمیر قوش جغزك نه پادی ، سوالیه چوجغك تطیب خاطرینه بذل عنایت بویوردیلر .

[*] نغیر = سرچه جسماننده بر قوش اولوب نغیر آنك مصغر بدر .

بو منقبه سنيه نبي اكرم افندمنر حضرتلری طرفندن امت مسعوده لرینك بويوك اولسون
 كوچك اولسون هر فردينه تعلق اولان احواله قارشى اثر التزام كوستر دكلرينه ، آنلرك
 سرور والميرندن حصه مند اولدقلرينه دلالت ايلمكده در . مؤمنلرك وجود واحد كې
 اولدقلری ، بر كيمسه باشندن يا خود كوزندن مضطرب اولدينى زمان ، بواضطرابك بوتون
 وجودى متأثر ايلديكى مال عاليسنده اولان حديث شريفى مقام ايقاظه ايراد بويورملرى
 بو حالك تماميله ذات سعادتلرنده موجوديتنى تأييد ايتمزى ؟ محاسن اسلاميه نك كمهملرندن
 یرى ده بر هیئت اجتماعیه ایچون اس الاساس فضائل اولمسی لازم كلن بو دستور على
 انسانیتدر . فی یومنا هذا بوتون دنیا ظاهرا دكلسه بيله ، حقیقتده بواصل معدلندن انحرافه
 متمایل اولدينى جهتله جمعيات بشريه نك قوام وانتظامنه خلل كلمكده ، كل يوم تعمير
 وتلافيسی غير ممكن برچوق مفسد ظهور ايدرك عالم انسانيتى برهيج ومرج ، بر تفسخ
 وانحلال ورطه سنه دوعرو سوروكله يوب كوتورمكده در . انسانلر حب غير سجيئه مرغوبه سنى
 استحقاق ايله حب نفسك ايجاباتنه تبعیت ايتدكجه بوفسادك مبدل صلاح اولمسنه امكان
 يوقدر . فقط عجباً انسانلره خودكاملق رذيله سنى هانكى قوت ترك ايتديره بيله جكدرك ؟
 سماوى بر تأييد ايله مؤيد اولميان قوانين موضوعه وقواعد اخلاقيه ، ايم اولدينى قدر
 وخيم اولان بودرد عظيمه چارده ساز اوله بيله جكميدر ؟ بو مسائلى زمان حل ايدجك ،
 بوسواللرك جوابى زمان ويره جكدرك . هر حادثه كې حادثات اجتماعيه نكده برسير طبعيسى
 اولديغندن ، دستورلری بودرجه تغيره اوفر ايان عالم انسانيت ده هم بوتغيراتك ائارندن متأثر
 اوله جق ، همده اونلرك ايجاباتنه كوره سير طبعيسنده دوام ايله جكدرك . فقط آره یرده
 از يلوب كیده جكلر ، ينه يچاره انسانلردن باشقه سى دكلدر . خالق تعالى وتقديس حضرتلرينك
 شرايع انبيادن انحراف فضيحه سنى جزاسز بر اقيه جنی بر امر مجزوم ايسه ، عواقب امورك
 شمديكى حاله نظراً پك ده خيره متوجه اولمديغنه حكم ايديله بيلير . مكر كه انسانلر حادثات
 جاريه ايله اونلرك نتايج مظالمه سنى تقدير ايديله جك بر اثر انتباه كوستر وبده آفاق
 كائناتى صار مقده دوام ايدن قره بولوطلرك داها زياده تكافئه ، استيلاسنه ميدان ويرميه لر .

فرید

